

SUK.D200(06)600/9/Jld 18 (12)



KERAJAAN NEGERI KELANTAN

PEKELILING PERKHIDMATAN NEGERI BILANGAN 5 TAHUN 2023

BANTUAN KHAS KEWANGAN AIDILFITRI TAHUN 2023

1. TUJUAN

Pekeliling Perkhidmatan Negeri ini adalah bertujuan untuk menjelaskan keputusan Kerajaan Negeri Kelantan mengenai syarat kelayakan pembayaran **Bantuan Khas Kewangan Aidilfitri Tahun 2023** kepada **Anggota Perkhidmatan Awam Negeri Kelantan dalam Kumpulan Pengurusan dan Profesional serta Kumpulan Pelaksana Gred 56 dan ke bawah** serta lantikan politik dan turut dipanjangkan kepada pegawai lantikan **MySTEP** sempena Hari Raya Aidilfitri Tahun 2023.

2. LATAR BELAKANG

- 2.1 Majlis Mesyuarat Kerajaan Kali Ke 6/2023 yang bersidang pada 22 Mac 2023 telah bersetuju memberi **Bantuan Khas Kewangan Aidilfitri Tahun 2023** kepada **Penjawat Awam Negeri Kelantan** sebanyak RM700.00 dan lantikan politik **Pentadbiran Awam Negeri Kelantan** sebanyak RM500.00 termasuklah **Ahli Majlis, penghulu, pegawai dan kakitangan Halaqat, Penyelaras ICT Dun, Penyelaras Pembangunan Armalah DUN dan Guru Pondok di Negeri Kelantan.** **Bantuan Khas Kewangan Aidilfitri Tahun 2023** ini juga turut dipanjangkan kepada **Guru Al-Quran dan Guru Fardu Ain serta Guru (Mударibbah) Pusat Pembangunan Wanita** sebanyak RM250.00.
- 2.2 Majlis Mesyuarat Kerajaan Kali Ke 7/2023 yang bersidang pada 5 April 2023 turut bersetuju **Bayaran Bantuan Khas Kewangan Aidilfitri Tahun 2023** dipanjangkan kepada **Ketua Madrasah/ Masjid Iktikaf** sebanyak RM500.00.

3. PEGAWAI YANG LAYAK

3.1 Pegawai yang layak menerima Bayaran Khas Kewangan Aidilfitri Tahun 2023 adalah:

- (i) pegawai Perkhidmatan Awam Negeri Kumpulan Pengurusan dan Profesional serta Kumpulan Pelaksana Gred 56 dan ke bawah yang masih berkhidmat pada 14 April 2023 termasuk:
 - a. pegawai lantikan tetap, sementara, *Contract Of Service (COS)*, Jawatan Berasaskan Caruman (JBC), *Contract For Service (CFS)* dan sambilan;
 - b. pegawai yang bercuti bergaji penuh;
 - c. pegawai yang bercuti separuh gaji;
 - d. pegawai yang bercuti tanpa gaji; dan
 - e. pegawai yang dipinjamkan termasuk ke agensi yang diasingkan pengurusan saraannya. Bayaran tersebut akan dibayar oleh agensi yang menerima peminjaman pegawai.
- (ii) Pegawai lantikan MySTEP yang masih berkhidmat pada 14 April 2023 dan telah dilantik sebelum 14 April 2023;
- (iii) Guru interim;
- (iv) Pemandu yang dilantik sendiri oleh pegawai Gred Jawatan Utama B dan ke atas, serta Gred Khas A dan ke atas yang layak pemandu tetapi tidak disediakan pemandu oleh jabatannya; dan
- (v) Pemandu yang dilantik sendiri oleh Anggota Pentadbiran serta Hakim dan Pesuruhjaya Kehakiman;

(vi) Pegawai Perkhidmatan Awam Persekutuan Kumpulan Pengurusan dan Profesional serta Kumpulan Pelaksana Gred 56 dan ke bawah yang masih berkhidmat pada 14 April 2023 di Jabatan Negeri yang mengisi waran perjawatan Negeri; dan

(vii) Pegawai lantikan politik adalah termasuk:

- a. Ahli- Ahli Majlis;
- b. Penghulu (Mukim dan Tanpa Mukim Parlimen/Dun);
- c. Halaqat (Ketua Pengelola, Timbalan Ketua Pengelola, Pengelola Kawasan, Pegawai dan Pembantu Halaqat);
- d. Penyelaras ICT Dun;
- e. Penyelaras Pembangunan Amalah DUN;
- f. Ketua Madrasah/Masjid Iktikaf;
- g. Guru Pondok; dan
- h. Guru Al-Quran, Guru Fardu Ain dan Guru (Mударibbah)

3.2 Pesara Perkhidmatan Awam Negeri dan veteran yang dilantik semula secara lantikan tetap, sementara, *Contract Of Service (COS)*, Jawatan Berasaskan Caruman (JBC), *Contract For Service (CFS)* dan sambilan dan masih berkhidmat pada 14 April 2023 layak dibayar sebanyak RM700.00. Pembayaran sebanyak RM350.00 akan dibuat oleh Jabatan Perkhidmatan Awam (JPA)/ Jabatan Hal Ehwal Veteran (JHEV) dan bakinya sebanyak RM350.00 akan dibayar oleh jabatan di mana pegawai sedang berkhidmat.

3.3 Pegawai Perkhidmatan Awam Negeri yang meninggal dunia pada 14 April 2023.

4. PEGAWAI YANG TIDAK LAYAK

4.1 Pembayaran ini tidak layak diberikan kepada;

- (i) pegawai dalam Kumpulan Pengurusan Tertinggi dan setaraf termasuk pegawai yang memangku, diluluskan Elaun Tidak Berpencen (ETB), dipinjam/ tukar sementara dan penempatan khas ke Gred Jawatan Utama/ Gred Khas;
- (ii) pegawai yang masih menjalani hukuman tatatertib pada 14 April 2023;
- (iii) pegawai yang ditamatkan perkhidmatan demi kepentingan awam sebelum atau pada 14 April 2023; dan
- (iv) pegawai yang meletak jawatan sebelum atau pada 14 April 2023

4.2 Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib (PBTT) ditangguhkan pemberian Bantuan Khas Kewangan Aidilfitri Tahun 2023 ini. Pegawai hanya layak dibayar sekiranya Pihak Berkuasa Tatatertib mendapati pegawai tersebut tidak bersalah.

5. PELAKSANAAN PEMBAYARAN

Pegawai yang layak sebagaimana di perenggan 3 akan dibayar mengikut kadar sebagaimana berikut:-

BIL	KATEGORI PEGAWAI	JUMLAH (RM)
1.	Pegawai Perkhidmatan Awam Negeri Kumpulan	700.00

	Pengurusan dan Profesional serta Kumpulan Pelaksana Gred 56 dan ke bawah yang masih berkhidmat pada 14 April 2023 adalah merupakan: a. pegawai lantikan tetap, sementara, <i>Contract Of Service (COS)</i>, Jawatan Berasaskan Caruman (JBC), <i>Contract For Service (CFS)</i> dan sambilan; b. pegawai yang bercuti bergaji penuh; c. pegawai yang bercuti separuh gaji; d. pegawai yang bercuti tanpa gaji; dan e. pegawai yang dipinjamkan termasuk ke agensi yang diasingkan pengurusan saraannya. Bayaran tersebut akan dibayar oleh agensi yang menerima peminjaman pegawai.	
2.	Pegawai lantikan MySTEP yang masih berkhidmat pada 14 April 2023 dan telah dilantik sebelum 14 April 2023.	700.00
3.	Guru interim;	700.00
4.	Pemandu yang dilantik sendiri oleh pegawai Gred Jawatan Utama B dan ke atas, serta Gred Khas A dan ke atas yang layak pemandu tetapi tidak disediakan pemandu oleh jabatannya dan Pemandu yang dilantik sendiri oleh Anggota Pentadbiran serta Hakim dan Pesuruhjaya Kehakiman.	700.00
5.	Pegawai Perkhidmatan Awam Persekutuan Kumpulan Pengurusan dan Profesional serta Kumpulan Pelaksana Gred 56 dan ke bawah yang masih berkhidmat pada 14 April 2023 di Jabatan Negeri yang mengisi waran perjawatan Negeri.	700.00

6.	Pegawai Lantikan Politik adalah termasuk: a. Ahli- Ahli Majlis; b. Penghulu (Mukim Dan Tanpa Mukim Parlimen/DUN) c.Halaqat (Ketua Pengelola, Timbalan Ketua Pengelola, Pengelola Kawasan, Pegawai dan Pembantu Halaqat); d.Penyelaras ICT DUN; e. Penyelaras Pembangunan Armalah DUN; f. Ketua Madrasah/Masjid Iktikaf; dan g. Guru Pondok	500.00
7.	a. Guru Al-Quran dan Guru Fardu Ain c. Guru Jahitan (Mudarrabah) Pusat Pembangunan Wanita	250.00
8.	Pesara Perkhidmatan Awam Negeri dan veteran yang dilantik semula secara lantikan tetap, sementara, <i>Contract Of Service (COS)</i>, Jawatan Berasaskan Caruman (JBC), <i>Contract For Service (CFS)</i>, berelaun dan sambilan dan masih berkhidmat pada 14 April 2023 layak dibayar sebanyak RM700.00. Pembayaran sebanyak RM350.00 akan dibuat oleh Jabatan Perkhidmatan Awam (JPA)/ Jabatan Hal Ehwal Veteran (JHEV) dan bakinya sebanyak RM350.00 akan dibayar oleh jabatan di mana pegawai sedang berkhidmat.	700.00 (RM350.00 akan dibayar oleh Jabatan Perkhidmatan Awam)
9.	Pegawai Perkhidmatan Awam Negeri yang meninggal dunia pada 14 April 2023.	700.00

6. TARIKH PEMBAYARAN

Bantuan Khas Kewangan Aidilfitri Tahun 2023 ini dibayar pada **14 April 2023** dan menjadi tanggungan jabatan di mana pegawai berkhidmat pada tarikh pembayaran.

7. TARIKH KUAT KUASA

Pekeliling Perkhidmatan ini berkuatkuasa dengan serta merta.

8. PEMAKAIAN

Pekeliling ini terpakai kepada semua Perkhidmatan Awam Negeri, Pihak Berkuasa Tempatan Negeri dan Badan Berkanun Negeri.

Sekian, terima kasih.

“ALLAH DITAATI, RAJA DISANJUNGI, RAKYAT DIKASIHI”


DATO' TUAN ZAINAL ABIDIN BIN TUAN YUSUF, D.P.S.K (Kelantan)
Timbalan Setiausaha Kerajaan (Pengurusan)

PEJABAT SETIAUSAHA KERAJAAN
NEGERI KELANTAN

Bertarikh : 20 Ramadan 1444H
11 April 2023

SENARAI EDARAN :

- Yang Berhormat Dato' Setiausaha Kerajaan Negeri Kelantan
- Semua Ketua Jabatan Negeri
- Semua Pihak Berkuasa Tempatan Negeri
- Semua Badan Berkanun Negeri
- Semua Ketua Pengurusan Urusetia Kerajaan Negeri Kelantan
- Semua Ketua Bahagian, Pejabat Setiausaha Kerajaan Negeri Kelantan